

יהושע פרק כב

(ז) ולחצי שבט המנשה נתן משה בבשן ולחציו נתן יהושע עם אחיהם <מעבר> בעבר הירדן ימה וגם כי שלחם יהושע אל אהליהם ויברכם:

(ח) ויאמר אליהם לאמר בנכסים רבים שובו אל אהליכם ובמקנה רב מאד בכסף ובוזהב ובנחשת ובברזל ובשלמות הרבה מאד חלקו שלל איביכם עם אחיכם: פ

(ט) וישבו וילכו בני ראובן ובני גד וחצי שבט המנשה מאת בני ישראל משלה אשר בארץ כנען ללכת אל ארץ הגלעד אל ארץ אחזתם אשר נאחזו בה על פי ה' ביד משה:

(י) ויבאו אל גלילות הירדן אשר בארץ כנען ויבנו בני ראובן ובני גד וחצי שבט המנשה שם מזבח על הירדן מזבח גדול למראה:

(יא) וישמעו בני ישראל לאמר הנה בנו בני ראובן ובני גד וחצי שבט המנשה את המזבח אל מול ארץ כנען אל גלילות הירדן אל עבר בני ישראל:

(יב) וישמעו בני ישראל ויקהלו כל עדת בני ישראל שלה לעלות עליהם לצבא: פ

(יג) וישלחו בני ישראל אל בני ראובן ואל בני גד ואל חצי שבט מנשה אל ארץ הגלעד את פינחס בן אלעזר הכהן:

(יד) ועשרה נשאים עמו נשיא אחד נשיא אחד לבית אב לכל מטות ישראל ואיש ראש בית אבותם המה לאלפי ישראל:

(טו) ויבאו אל בני ראובן ואל בני גד ואל חצי שבט מנשה אל ארץ הגלעד וידברו אתם לאמר:

(טז) כה אמרו כל עדת ה' מה המעל הזה אשר מעלתם באלהי ישראל לשוב היום מאחרי ה' בבנותכם לכם מזבח למרדכם היום בה':

(יז) המעט לנו את עון פעור אשר לא הטהרנו ממנו עד היום הזה ויהי הנגף בעדתה':

(יח) ואתם תשבו היום מאחרי ה' והיה אתם תמרדו היום בה' ומחר אל כל עדת ישראל יקצף:

(יט) ואך אם טמאה ארץ אחזתכם עברו לכם אל ארץ אחזת ה' אשר שכן שם משכן ה' והאחזו בתוכנו ובה' אל תמרדו ואתנו אל תמרדו בבנותכם לכם מזבח מבלעדי מזבח ה' אלהינו:

(כ) הלא עכן בן זרח מעל מעל בחרם ועל כל עדת ישראל היה קצף והוא איש אחד לאגוע בעונו: פ

במדבר פרק לא

(טז) הן הנה היו לבני ישראל בדבר בלעם למסר מעל בה' על דבר פעור ותהי המגפה בעדת ה':

תהלים פרק קו

(כח) ויצמדו לבעל פעור ויאכלו זבחי מתים:

(כט) ויכעיסו במעלליהם ותפרץ במ מגפה:

(ל) ויעמד פינחס ויפלל ותעצר המגפה:

(לא) ותחשב לו לצדקה לדר ודר עד עולם:

(לב) ויקציפו על מי מריבה וירע למשה בעבורם:

ויקרא פרק יח

(כז) כי את כל התועבת האל עשו אנשי הארץ אשר לפניכם ותטמא הארץ:

(כח) ולא תקיא הארץ אתכם בטמאכם אתה כאשר קאה את הגוי אשר לפניכם:

(כט) כי כל אשר יעשה מכל התועבות האלה ונכרתו הנפשות העשת מקרב עמם:

(ל) ושמרתם את משמרתי לבלתי עשות מחקות התועבת אשר נעשו לפניכם ולא תטמאו בהם אני ה' אלהיכם:

ויקרא פרק כ

(א) וידבר ה' אל משה לאמר:

(ב) ואל בני ישראל תאמר איש איש מבני ישראל ומן הגר הגר בישראל אשר יתן מזרעו למלך מות יומת עם הארץ ירגמהו באבן:

(ג) ואני אתן את פני באיש ההוא והכרתי אתו מקרב עמו כי מזרעו נתן למלך למען טמא את מקדשי ולחלל את שם קדשי:

במדבר פרק לה

(לג) ולא תחניפו את הארץ אשר אתם בה כי הדם הוא יחניף את הארץ ולא יכפר לדם אשר שפך בה כי אם בדם שפכו:

(לד) ולא תטמא את הארץ אשר אתם ישיבים בה אשר אני שכן בתוכה כי אני ה' שכן בתוך בני ישראל: פ

### דברים פרק ג

- (יב) ואת הארץ הזאת ירשנו בעת ההוא מערער אשר על נחל ארנן וחצי הר הגלעד ועריו נתתי לראובני ולגדי:  
(יג) ויתר הגלעד וכל הבשן ממלכת עוג נתתי לחצי שבט המנשה כל חבל הארגב לכל הבשן ההוא יקרא ארץ רפאים:  
(יד) יאיר בן מנשה לקח את כל חבל ארגב עד גבול הגשורי והמעכתי ויקרא אתם על שמו את הבשן חות יאיר עד היום הזה:  
(טו) ולמכיר נתתי את הגלעד:  
(טז) ולראובני ולגדי נתתי מן הגלעד ועד נחל ארנן תוך הנחל וגבול ועד יבק הנחל גבול בני עמון:  
(יז) והערבה והירדן וגבול מכנרת ועד ים הערבה ים המלח תחת אשדות הפסגה מזרחה:  
(יח) ואצו אתכם בעת ההוא לאמר ה' אלהיכם נתן לכם את הארץ הזאת לרשתה חלוצים תעברו לפני אחיכם בני ישראל כל בני חיל:  
(יט) רק נשיכם וטפכם ומקנכם ידעתי כי מקנה רב לכם ישבו בעריכם אשר נתתי לכם:  
(כ) עד אשר יניח ה' לאחיכם ככם וירשו גם הם את הארץ אשר ה' אלהיכם נתן להם בעבר הירדן ושבתם איש לירשתו אשר נתתי לכם:  
(כא) ואת יהושוע צויתי בעת ההוא לאמר עיניך הראת את כל אשר עשה ה' אלהיכם לשני המלכים האלה כן יעשה ה' לכל הממלכות אשר אתה עבר שמה:  
(כב) לא תיראום כי ה' אלהיכם הוא הנלחם לכם: ס  
(כג) ואתחנן אל ה' בעת ההוא לאמר:  
(כד) אדני ה' אתה החלות להראות את עבדך את גדלך ואת ידך החזקה אשר מי אל בשמים ובארץ אשר יעשה כמעשיך וכגבורתך:  
(כה) אעברה נא ואראה את הארץ הטובה אשר בעבר הירדן ההר הטוב הזה והלבנן:  
(כו) ויתעבר ה' בי למענכם ולא שמע אלי ויאמר ה' אלי רב לך אל תוסף דבר אליעוד בדבר הזה:  
(כז) עלה ראש הפסגה ושא עיניך ימה וצפנה ותימנה ומזרחה וראה בעיניך כי לא תעבר את הירדן הזה:  
(כח) וצו את יהושוע וחזקהו ואמצהו כי הוא יעבר לפני העם הזה והוא ינחיל אותם את הארץ אשר תראה:  
(כט) ונשב בגיא מול בית פעור: פ

### דברים פרק ד

- (א) ועתה ישראל שמע אל החקים ואל המשפטים אשר אנכי מלמד אתכם לעשות למען תחיו ובאתם וירשתם את הארץ אשר ה' אלהי אבותיכם נתן לכם:  
(ב) לא תספו על הדבר אשר אנכי מצוה אתכם ולא תגרעו ממנו לשמר את מצות ה' אלהיכם אשר אנכי מצוה אתכם:  
(ג) עיניכם הראת את אשר עשה ה' בבעל פעור כי כל האישי אשר הלך אחרי בעל פעור השמידו ה' אלהיך מקרבך:  
(ד) ואתם הדבקים בה' אלהיכם חיים כלכם היום:

### דברים פרק ה

- (יח) ולזבולן אמר שמח זבולן בצאתך ויששכר באהליך:  
(יט) עמים הר יקראו שם יזבחו וזבחי צדק כי שפע ימים יינקו ושפוני טמוני חול: ס  
(כ) ולגד אמר ברוך מרחיב גד כלביא שכן וטרף זרוע אף קדקד:  
(כא) וירא ראשית לו כי שם חלקת מחקק ספון ויתא ראשי עם צדקת ה' עשה ומשפטיו עם ישראל: ס  
(כב) ולדן אמר דן גור אריה יזנק מן הבשן:  
(כג) ולנפתלי אמר נפתלי שבע רצון ומלא ברכת ה' ים ודרום ירשה: ס

### מיכה פרק ו

- (א) שמעו נא את אשר ה' אמר קום ריב את ההרים ותשמענה הגבעות קולך:  
(ב) שמעו הרים את ריב ה' והאתנים מסדי ארץ כי ריב לה' עם עמו ועם ישראל יתוכח:  
(ג) עמי מה עשיתי לך ומה הלאתיך ענה בי:  
(ד) כי העלתיך מארץ מצרים ומבית עבדים פדיתך ואשלח לפניך את משה אהרן ומרים:  
(ה) עמי זכר נא מה יעץ בלק מלך מואב ומה ענה אתו בלעם בן בעור מן השטים עד הגלגל למען דעת צדקות ה':

### מיכה פרק ז

- (יח) מי אל כמוך נשא עון ועבר על פשע לשארית נחלתו לא החזיק לעד אפו כי חפץ חסד הוא:  
(יט) ישוב ירחמנו יכבש עונותינו ותשליך במצלות ים כל חטאותם:  
(כ) תתן אמת ליעקב חסד לאברהם אשר נשבעת לאבתינו מימי קדם: